

# LA MARMITE

## RENVERSEE ET FON-

### DVE, DE LAQVELLE NO-


STRE DIEV PARLE PAR  
les saints Prophetes.

12

*Ou est prouué que la secte Caluinique est la vraye Mar-  
mitte & est comprins un brief sommaire des des-  
seins & coniuurations sanguinaires d'icel-  
le, cause de son entiere ruine.*

Par F.TH.Beauxamis.C.Theologien de Paris.

*Mets la Marmite vuyde sus les charbons , à fin qu'eschauffee,  
elle se brusle & se fonde. Ezechiel chap. 24.*



A P A R I S,

Chez Guillaume Chaudiere , Rue saint Iaqués , à l'en-  
seigne du Temps & de l'homme sauvage.

1 5 7 2.

A V E C P R I V I L E G E .

UTINAM

UTINAM

UTINAM

UTINAM

UTINAM

UTINAM

UTINAM

UTINAM

UTINAM

UTINAM

UTINAM

UTINAM

UTINAM

UTINAM

UTINAM

UTINAM

UTINAM

UTINAM

UTINAM

UTINAM

UTINAM

UTINAM

UTINAM



# AV LECTEUR.

**A** COMMENCEMENT des premiers troubles de nostre France, lors que ces sectaires, Calvinistes preschoient aux fauxbourgs de Paris, regardâs que la neceſſité se presentoit de refuter publiquement leur faulſe doctrine, encor que ie fusſe diſciple ſeulement de tant grands & inſignes perſonnages, ie m'auſay les rembarrer ſelon le petit talent que noſtre bon Dieu m'auoit preſté. Or apres pluſieurs predications le dimenche de la quinquageſime eſcheu, qu'on appelle le dimenche gras, ie deliberey pour vne matiere propre au temps, voire à ce iour gras, diſcourir des marmittes deſquelles eſt traité par les prophetes, d'une part pour refuter leur inſigne & malheureuſe calomnie veu que lors ils publioient des figures & liures ſoubs le tiltre de la marmitte du pape, d'autre part pour moſtrer que leur ſecte meſ-

me est la vraye marmitte. Or des ceste année  
1562. ceste exhortation recueillie & trans-  
crite avec quelques additions fut imprimée:  
laquelle ayant recognue fu fasché qu'ainsi el-  
le se fust escoulée sans l'auoir reueue. Toutes-  
fois encor depuis elle a esté remise sus la pres-  
se, sans aucunement la me comuniquer. Qui  
est cause que maintenant i'y ay mis la main  
en passant, y inserant vn sommaire argu-  
ment des troubles & coniurations de ceste  
nouuelle secte.

*A Dieu.*





# LA MARMITTE REN- VERSEE ET FONDVE

*de laquelle nostre Dieu parle par les  
saincts prophetes.*



I quelque vn de ceux qui se  
disent sçauants, ou en me-  
decine, ou en droict ciuil,  
ou diuin, entreprend quel-  
que preuue de sa professiõ,  
il ne laisse passage qu'il ne  
l'examine; veu qu'il a hon-  
te de parler sans loy. Toutesfois autrement ad-  
uient à ceux de l'eglise qui se dit reformée, sor-  
tie des fumées de Zuingle & Caluin: car neât-  
moins qu'ils se vantent hïeremēt de la cognois-  
sance & obseruation entiere de la parole ex-  
presse, ils n'ont craint assaillir celle eglise, qui Matt. 16.  
a tesmoignage de l'antiquité, depuis les A-  
postres, iusques à ce temps: & luy forger noms  
execrables, sans aucune apparence, voire con-  
tre l'expres tesmoignage de l'escriture sainte:  
Veu que nõ seulemēt elle nous deliure de tel-  
les calõnies, mais charge & monstre au doigt  
les conditions deprauées de ceste nouuelle as-  
semblée. De sorte qu'est en elle accomplie

sainct Au-  
gustin li. de  
vtilitate cre-  
dendi. ch. 7.

ceste sentence de sainct Augustin: Que neant-  
moins qu'il ne soit qu'une Eglise catholique,  
les heretiques luy imposent diuers noms, les-  
quels leur sont tant propres, qu'ils ne les peu-  
uent reietter sans faire tort à l'expresse parolle  
de Dieu. Asçauoir, plusieurs ont veu ces iours  
passez les libelles diffamatoires, & pourtraits  
execrables de ceste troupe sathanique, plu-  
sieurs ont entendu ses reproches detestables  
contre l'Eglise catholique ancienne & romai-  
ne: lors qu'esleuez d'une vaine esperance, en-  
flez d'un orgueil desmesuré contre Dieu &  
contre les hommes, elle nous imposoit le nom  
de marmitte, & couchoit en peinture la mar-  
mitte renuersée, comme si en briefs suppos  
eussent deu engloutir l'Eglise de Dieu, renuer-  
ser ses ordonnances, & abyfmer tout ce qui  
nous maintient avecques l'espouse de son fils  
vnique. Maintenant qui voudra obseruer ce  
petit discours des escritures, lesquelles font  
mention de la marmitte, il cognoitra que ce-  
ste assemblée libertine, ceste Eglise des ma-  
lings est la vraye marmitte entendue par la pa-  
rolle de Dieu, veu que non seulement le nom,  
mais aussi toutes choses qui appartiennent à la  
marmitte, selo qu'il est parlé à l'anciē testamēt  
luy sont proprement rapportées. Ce que nous  
expliquerons de point en point: à sçauoir que  
c'est qui est mis dedans ceste marmitte, de  
quel costé elle est tournée, de quel feu eschauf-  
fée, quel en est le bouillon, quelle la fumée,  
brief, que doit deuenir le feu, la marmitte, &

toute sa garniture, presage certain de l'entiere ruine & extermination de ceste nouvelle Eglise. Or en premier lieu que le nom de marmitte ne luy appartienne, que pourra res-  
 dre ceste caluinienne assemblée, à ce qu'est dit en Exode des marmittes, que souhaitoient les  
 enfans d'Israel? Se purgera elle si bien qu'on ne cognoisse que le nom de ceste histoire chā-  
 gé, vrayement ne fust représentée la tragedie qu'elle ioue tous les iours? Entendons ce par le discours du propos & histoire recitée en ce lieu.

Premier nō  
 de marmite  
 en Exo. 17.  
 & l'interpre-  
 tation d'icel  
 luy.

Les Israelites deliurez de la main des Ægyptiens, ayans trauersé la mer rouge estoient venus aux eaux ameres, lesquelles furent adoucies par le bois que Moysé y plongea. Lors au second moys, apres qu'ils furent sortis d'Ægypte, le quinziesme iour du moys, le peuple estant venu au profond des deserts, murmura cōtre Moysé, disant: *Nous voudrions estre morts en la terre d'Ægypte: lors que nous estions assis sur les marmittes de chair, & mangions du pain nostre saoul: pour ce que tu nous as amené en ce desert, pour faire mourir de faim toute ceste assemblée.*

Or consideré que l'histoire est le miroir des temps, & les choses passées nous figurent celles, qui aduiennent tous les iours, ioint que comme escrit l'Apostre tout le passé leur auenoit en figures, pour nous seruir d'exemple contre les mauuaises cōcupiscences: il faut que nous recerchions la signification de toutes ces choses, puis nous viēdrons à nostre conclusiō.

Que signifioit *Ægypte*, sinon les tenebres, esquelles chemine l'homme mescognoissant & esloigné de Dieu, sinon l'infidelité & l'estat de ceux qui affligeoient les enfans de Dieu? Que figuroit la mer rouge, par laquelle nos peres sont passez d'*Ægypte*, sinon le baptesme: auquel faut que nous soyons lauez, pour passer de la mort à la vie, de peché à iustice, de haine à la grace, de desespoir à espoir, des tenebres à la lumiere: ainsi que les Israelites sont passez d'*Ægypte* aux deserts, pour du seruice Pharaonique se renger au seruice de Dieu, & de la tyrannie se mettre en liberté & assurance de la solitude? Les deserts donc ausquels ce peuple est venu sortant de la mer, signifient l'eglise de Dieu. En laquelle, que figure Moÿse, conducteur & iuge de ce peuple, sinô celuy qui choisit des hommes & succedant à saint Pierre, a receu la charge, & superintendance sur toute l'eglise, seant au saint siege Apostolic de Rome, comme tesmoignent les anciens docteurs de l'eglise, saint Irenée, Augustin, Tertullian, Hierosime, & autres: Que figuroit donc ce murmure des Israelites contre Moÿse, sinon les reproches des libertins heretiques contre le Pape? Regarde quelle occasion a prinse ce peuple mutin pour crier & abayer contre Moÿse, & tu trouueras semblables conditions à ceux qui se fleuent contre le prelat de l'Eglise de Dieu. Ces Israelites gourmands ne pouuoient supporter l'abstinence laquelle leur conuenoit endurer aux deserts: L'eglise nouuelle ne veut endu-

*L. Iren. li. 3, cōtre les heresies, c. 3.*

*Tert. lib. de proscip. in hereticos, S.*

*Aug. in epi. in Manich. c. 4. & epist.*

*162. & 365.*

*Mat. 3 & 6. ioul 2.*



endurer les ieufnes, & discretion de viande reçue par commune tradition entre les enfans de Dieu. Les Israelites regrettoient les marmittes d'Ægypte, pleines de chair, pour estre assis dessus, & en manger leur saoul, comme porcs, & bestes rauissantes: l'Eglise nouvelle regrette la liberté de manger de toutes viandes, à ceux qui ne reçoient preceptes ou commandemens, qui ne veulent mortifier leur chair, mais viure comme Epicuriens, & gens qui n'ont esperance hors de ce monde. Les Israelites aymoient mieux mourir en Ægypte, iouissans de leur gourmandise effrenée, que de viure avec Moysse aux deserts, faisans quelque abstinence: ainsi la nouvelle Eglise ayme mieux estre en estat de mort, & damnation eternelle, hors de l'Eglise de Dieu, avec les Libertins voluptueux desreglez & desbordez entout, que demeurer avec le peuple de Dieu, & sous l'Eglise Romaine, faisans quelque abstinence, mortifiant leur corps sur la terre, esperer la beatitude celeste. Cela considerant saint Hierosime, disoit mesme de ceux de son temps: regardons de pres ces heretiques, comme s'estans vne fois esloignez de l'esperance de salut, ils se sont dediez à toute gourmandise & delices. Ils mangent chair sans aucune discretion, & cherchent leurs plaisirs corporels: monstrans assez qu'ils n'esperent rien au futur, & ne croient la resurrection des corps. Voila ce qui les a induit à tant de murmures, à composer tant de libelles, esleuer les armes contre Dieu & leur

cōuenable si  
militude des  
mutins du  
peuple d'Is-  
rael contre  
moysse & des  
heretiques  
murmurans  
contre le  
pape.

La cause  
pourquoy  
les hereti-  
ques mur-  
murent con-  
tre les ieuf-  
nes.

Liv. 4 des  
comment.  
sur Hierm.  
chap. 23.

prince: la seule & principale cause de ces tumultes, est le regret de la marmitte de chair, de l'assemblée subiecte à ses plaisirs. Voila pour quoy ils abbayent contre les ieunes, abstinences de viandes, & autres articles maintenus en nostre Eglise. Car ils ne sont Chrestiens que pour le bouillon & iouissance de leurs plaisirs, conuertissans (comme dit saint Pierre) la liberté de Iesus Christ, en luxure, qui de leur ventre font leur Dieu, comme dict saint Paul, desquels a esté predict, qu'ils seroient amateurs de volupté plus que de Dieu, paillars en leurs banquets, remplis de scandale, gourmands, qui pour vn morceau de chair ne craignent perdre celuy que le sauueur a racheté de son sang, & pour la souppe, comme iadis, nous disons d'Esau, vendent le droit de leur primogeniture: desquels dès le temps passé le iugement & entiere ruine est pourtraicte en ceux qui murmurent contre Moÿse, & susciterent schismes & diuisions au peuple de dieu. C'est la marmitte de laquelle vn des prophetes s'escricoit à Helisee, *ô homme de Dieu la mort est en la marmitte*, car en ceste secte ne gist qu'incrédulité, deffiance, & œuures de la chair, & tout ce qui rend les ames mortes & sans esperance de vie. D'icelle refusent gouster les prophetes de Dieu, considéré que ceux qui ont en eux l'esprit des anciens Prophetes, conducteur d'une seule Eglise de Dieu, se garderont de l'assemblée libertine. Car qui peut cognoistre que la mort regne en ceste Eglise nouuel-

Philip. 2.  
2. Tim. 2.  
2. Pet. 2.

Psal. 77.  
Exode. 17.  
num. 16.

4. Reg. 4.  
Gal. 5.  
2. Pet. 1.  
Heb. 1.  
Eph. 6.

le: ce n'est celuy lequel l'esprit sathanique tourmente: ce n'est l'homme sensuel & libertin. Car celuy qui ne se propose qu'à suivre ses plaisirs, est fait ainsi que le lepreux, qui ne sent les poinctures, & comme l'aveugle qui ne peut iuger des couleurs. Tels sont iuments, qui pourrissent en leur fiente, chevaux & mulets, ausquels n'y a d'entendement: ce sont pourceaux retournans à la fange, & chiens reuenans à leur vomissement: qui a lors qu'ils se disent sages, sont faits fols, aveugles, & conducteurs d'aveugles: car leur cōcupiscence & malice les aveugle, & la coupe de blasphème les enyure: en sorte qu'ils ne congnoissent le detrimēt qui les ensuit. Celuy donc qui est semblable à telles gens, obstiné & enyuré d'heresie, souhaitant seulement l'assouuissēment de sa chair, ne peut cognoistre la damnation & mort estre en ceste secte nouuelle: ce qu'entendent toutesfoiſ d'autres, non par l'esprit ambitieux & sathanique: mais par celuy qui a instruit les prophetes, & donné l'intelligence aux petits, tant de ce qui leur est profitable, que nuisible.

Nostre Dieu represente au prophete Ezechiel ce qui est mis dedans ceste marmite, quand il luy dict. *Tu parleras à la maison d'Israel. Le dominateur, le seigneur dict ainsi: Appreste vne marmite, appreste la, & y verse de l'eau dedans. Assemble ces pieces en icelle, toutes bonnes pieces, la cuisse, l'espaule, & la remply d'os exquis. Pren vne brebis exquisite, & mets partie des os en icelle & la fay bouillōner, iusques*

Ce qui est  
mis dedans.  
la marmite.  
Ezech. 24.

à ce que ces os soient cuits.

Que signifie l'eau versée en la marmitte. Hierc. 47.

Les riches attirez à la marmitte.

Lue 12. 16.

Isa. 30. Que c'est que les libertins veulent qu'on leur presche.

Coe les seigneurs sont mis en pieces.

L'eau signifie en l'escriture les concupiscences & affections de la chair, comme les eaues descendentes d'Aquilon, suiuant ce qu'en escrit Hieremie. Car ainsi que l'eau bouillante cuit la chair en la Marmitte, ainsi les concupiscences entretiennent les hommes libertins & desbordez en toute licence. Tout bon & gras endroict du bestail, represente les gens abondans en ce siecle engraisiss & parez de liberté charnelle au boire & manger & autres sensualitez ainsi que les Epicuriens, & ceux qui mettent toute leur felicité en ce monde. D'iceux, ceste marmite, ceste nouuelle Eglise est farcie & remplie, veu que les richesses souuent presentent le moyen de viure plus delicieusement, comme est monsté en ce riche, duquel dict le sauueur Iesus Christ, qu'il estoit vestu de pourpre, & banquetoit tous les iours. Ce sont ces riches luxurieux, qui crient aux prophetes: Parlez nous chose plaisante, & nous vous escouterons: en sorte qu'ils ne veulent ouyr parler des ieufnes, abstinences, pelerinages, penitences, & mortifications de chair: mais de ce qui puisse chatouiller ce corps charnel.

Conuertissent ils pas la lumiere en tenebres, la vie en la mort, le salut en damnation eternelle? Les riches luxurieux amorcez de tels blasphemés, choisis comme plus gras d'entre les porcs Sardanapalistes, sont mis en pieces, esperdus en leurs pensées, detranchez en leur creance, diuisez non seulement les vns des au-

tres, mais aussi en eux mesme, se contredisans à tous poincts & articles de leur profession: puis desunis & desmembrez de ceste vnion qui se trouue au corps mystique du sauueur du monde, sont iettez au fond de la marmité, precipitez au fond d'erreurs & impietez de l'eglise des malings, pour là estre cuictz & consommez en leur concupiscences. Et d'autant que non seulement les gens opulens & grands selon le monde, ains aussi les pauvres & simples sont attirez à ceste marmitte: nostre Dieu adioust parlant par le prophete, *qu'il prenne une brebis & partie des os d'icelle & les face bouillonner, de sorte que les os tendres soient brisez & consommez par le bouillon, comme les plus fermes & massifs.* A cela se peut rapporter ce que nous lisons au prophete Michée des grands seigneurs de Israel, qui ont faict errer le peuple, entrete-  
 tenu les faux prophetes, entrepris l'anneantissement de l'ancienne & vraye religion, & le bastiment de nouueaux téples contre l'institution de Dieu. *Ce sont ceux, dit le prophete, qui ont le bien en haine, & aymēt le mal, qui rauissent les peaux de dessus mon peuple, & leur chair de dessus leurs os. Et qui mangent la chair de mon peuple, & escorchent la peau d'iceux, & rompent leurs os & les brisent comme pour mettre en une marmite & comme la chair au milieu de la chaudiere.* Car qui considerera le progres des troubles suscitez par ceste assemblée libertine, ne verra il pas les cruantez exercées contre le peuple, les rauissements & pilleries, & que plusieurs par crainte de perdre

Le peuple  
& pauvres  
gens sont at-  
tirez en ce-  
ste marmite

Michée 3.

Grans sei-  
gneurs font  
errer le sim-  
ple peuple.

Les bons suc-  
ces des heré-  
tiques, cause  
de faire er-  
rer plusieurs

Que signi-  
fient les os  
tendres mis  
en la mar-  
mitte.

Finesse des  
nouveaux e-  
uangelistes  
pour distrai-  
re les pources  
gées de leurs  
œuvres.

leurs biens se voyans comme brisez & cassez,  
ont suyuy ces dieux estranges, ont flechy le ge-  
nouil deuant Baal, & assistans aux presches de  
mensonge, se sont laissez tomber en ceste mar-  
mitte: Et vrayement comme saint Pierre pre-  
mierement esineu de craincte, ayant renoncé  
le sauueur, comme d'un abyssme de peché tom-  
ba en vn autre: ainsi se trouue vn grand nom-  
bre de simple peuple, qui premierement eston-  
nez de la rage des heretiques, se voyans escor-  
chez de leurs biens, de craincte de perdre d'a-  
uantage se sont desbendez aux blasphemes, &  
de la de plus en plus enracinez à impieté, de-  
laissez à leur sens reprouué par iuste iugement  
de Dieu, veu qu'ils ont preferé les choses cadu-  
ques aux eternelles, & plus estimé la perte de  
leurs biens temporels, que des spirituels, & le  
massacre de leur corps, que la mort de leurs a-  
mes. Or par autre moyen ils en ont mis les os  
tendres desnuez de chair en leur marmitte, à  
sçauoir les pauvres desnuez de biens de ce  
monde: car les vns pource, qu'ils seruoient &  
viuoient soubs les riches, de craincte de perdre  
leur credit enuers eux, ont faict bonne mine &  
suiuy ceste nouuelle eglise: les autres se sont di-  
straits par quelque legiere esperance d'estre re-  
montez. Pour ceste cause estoient dōnez quel-  
ques deniers tous les iours aux artisans, qui  
voudroient laisser leur mestier, & aller au pres-  
che de ces nouveaux Euangelistes: Les autres  
estans detenus, *ere alieno*, n'ayant pour payer ce  
qu'ils debuient, ou ayans pillé & desrobé,

pour estre exempts de punition, se sont fuyz aux villes infectees de ceste doctrine.

C'est la raison, qui esmouuoit Caluin, lors qu'il s'est estably nouuelle chaire à Geneue, de permettre que tous fugitifs, bannis & malfai-cteurs des pays circonuoisins qui voudroiēt se retirer en asseurâce, vinsent en la ville: de sorte qu'en bref par ce moyen elle fut peuplée & réplie. Par telles ruses furēt pratiquez les riches & pauvres, lesquels lors qu'ils s'estans lancez en ceste marmitte, sont cuicts & eschauffez de toute liberté charnelle.

Mais il nous fault sçauoir de quelle part ceste marmitte est tournée. Le Prophete Hieremie le nous enseigne, en la seconde vision à luy representée par nostre Dieu.

De quelle  
part la mar-  
mitte est  
tournée.  
Hier. 1.

*La parolle du seigneur, dit il, me fut adressée pour la seconde fois, disant: Que vois-tu Hieremie? Et ie respondi, Je voy vne marmitte bouillante, & sa face est du costé d'Aquilon: Et le seigneur me dit, Le mal se manifestera du costé d'Aquilon sur tous les habitans de la terre.* Sainct Hierosime interpretant ceste vision, dit que par le vent aquilonaire dur & froid, on doit entendre l'esprit maling auquel sont tournez les refroidis & morfondus en toute charité, & qui ont perdu la chaleur de la foy. Asçauoir comme escrit vn autre ancien docteur, on a accoustumé de signifier le diable par le nom d'Aquilon, ainsi que nous lisons en Esaie qu'il disoit, Je monteray en la montaigne d'alliance & seray assis aux costes d'Aquilon. De ceste part se manifeste tout mal, veu que comme

S. Hiero. aux  
cōment. sur  
ezechiël.

Vent d'A-  
quilon.

Greg lib. 18  
in Io. c. 11.  
Ef. 14.



escriit le sage, le peché est entré au monde par le diable, & par le peché la mort.

1. Timo. 4.

Donc ceste Marmitte est du tout tournée au vent pernicieux, à cest esprit maling, ententue aux suggestions sathaniques, & d'icelles apprend toutes impietez, ainsi que S. Paul nous aduertissoit, qu'elle seroit ententue aux doctrines des diables. De la ce n'est merueille, si ceste troupe heretique se veut iustifier en ses trahisons, cōspiratiōs, sacrileges, & autres tels œuvres: puis que, comme elle confesse ordinairement en ses prieres, elle est addōnée à tout mal, inutile à tout bien, destournée de l'esprit de Dieu, & tournée du tout au malin: il n'y a merueilles si elle est ennemye de Dieu & des hommes, puis qu'elle se laisse du tout gouverner par celuy qui impugne continuellement le seruice de Dieu, & ne cesse par son enuie d'espier l'homme, voire comme dit le docteur Origene, s'efforce l'abyssiner & perdre du tout.

Li. 3. in Iob.

Que est le  
feu de ceste  
marmitte.

Que si quelqu'un desire sçauoir de quel feu est chauffée ceste marmitte, il le peut apprendre du Prophete Ezechiel. Car poursuyuant le commandement fait de remplir la marmitte de chair, mise en pieces, & dos cassez, il adioust encor cecy. *Pourtant dit ainsi le dominateur le seigneur, malediction sur la cité de sang, de laquelle aussi ie feray le tas de bois estre grand. Amasse force bois, (& comme au dessus il dit,) allume partie des os dessous la marmitte, allume le feu, & soient les os brullez.* Donc le feu est composé partie de bois, partie d'os despoillez de leur chair

Eccle. 6.  
Feu d'espi-  
nes.

&



& amassez dessous ce pot , pour le faire bouillonner. Quant aux bois, les escritures le spécifient par les espines , auxquelles est comparé le ris du fol, pource que le feu d'espines est en vn instant violent , & vn instant est consommé. Car ce qui eschauffe & entretient ceste assemblée libertine , non seulement est signifié par les espines: mais par le peu de durée du feu qui en est fait. Les espines nous representent la vaine sollicitude de ce siecle , les plaisirs charnels , les poinctures & remors continuels de ceux qui conspirent contre Dieu , entant que comme dict le Poete.

*Nocte diéque suum gestant in pectore testem:*

Tourmentez en leur conscience mauuaise, touchez & condamnez par eux-mesmes, pour leurs pernicieuses entreprises. Telles espines, telles conspirations , desseings , trauaux d'esprit , poinçonnans leurs ames d'un regret continuel, font bouillir la marmite: quand elles sont allumées d'une rage , enflammée d'un desespoir ardent du feu infernal. Là on peut rapporter les furies d'Orestes apres le paricide, la rage de Medee , le pin des furies infernales, garny de serpens & de feu , la torche allumée de Typhisone, & tout ce que l'antiquité a feint pour exprimer la rage des meschans. Toutes-fois ce feu ne nous doibt estonner encor qu'il allume les espines, & face bouillir impetueusement ceste marmite: veu qu'ainsi que le feu d'espines est tost passé, ainsi s'escoulera la furie des hereticques , & apres auoir esbran-

Rage des  
anciens he-  
retiques ef-  
coulée.

Simô magus

Ophites.  
Caineites.

Cherinth,

Manichées.

Noetians.

Patricians.

Iouinians,

Matth. 16.

Matth. 7-

lé les choses plus fermes de ce monde, s'en ira en cendres perissant avec les corps de ces suppos. Car estimôns nous que ceste secte ait plus de durée, que celle de Simon Magus, Mœnander, Carpocrates, Nicolas & autres? Y a il qui coure à la doctrine des Ophites, qui preteroient le serpent à Iesus Christ? des Caineites, qui louoient Cain plus qu'Abel, comme s'il fust conçu de plus grande vertu, que son frere? des Cherinthians, qui obseruoient la circoncision? des Manicheans, qui meprisoient l'ancien testament, & en partie receuoient le nouveau? des Noetians & Sabelians, qui disoient que Iesus Christ estoit le pere & le Saint Esprit, & qu'il n'y auoit qu'une personne, *in diuinis*? des Patricians, qui disoient, que la substance de la chair humaine, estoit faicte du diable? des Iouinians, qui nioient qu'il y eut difference entre les vierges & mariées, & ceux qui banquettent & ceux qui s'abstiennent de manger? Où sont mille autres heresies, lesquelles pour quelque temps ont bouillonné? Leur doctrine est elle pas passée comme fumée? Ainsi nulle secte ne peult durer contre Iesus Christ: car les portes d'enfer ne seront puissantes contre son Eglise. Viennent les vents & tempestes, les pluyes & inondations, il n'y a qui puisse abbatre ou desmolir ceste maison seulement bastie sur la pierre ferme, qui est Iesus Christ. Ainsi l'espouse de Iesus perseverera iusques à l'accomplissement de toute recompense: & tout autre passera ainsi que le vent,

& le feu soudain des espines.

Les os entassez deſſous la marmitte, & allumez pour l'eſchauffer, nous figurent les forces humaines. Car ainſi que ſi tu oſtes les os d'un corps, ne reſte qu'une maſſe conſuſe de chair, auſſi qui auroit tiré hors de ceſte ſecte hereticque les forces, terreſtres, les menaſſes & tyrannies, ne cognoiſtroit il pas que le reſte n'eſt que chair & ſang? Ne deſcouriroit il pas tout le maſque? Mais les ſuppos de ceſte troupe aduiſent à ce poinct, quand pour ſe rendre redoubtez, ils allument les os, ils fuſcitant aucuns princes & nobles, à ce qu'vſans de force & violence ils eſbranlent les foibles, renuerſent & maſſacrent ceux qui conſtamment voudront ſouſtenir la vraye foy. Voila pourquoy ils ont choiſy vn Chriſt empitoſé barbouillé de fumée, ils ſe ſont garnis d'armes, liguez par enſemble, mis en campagne: & ainſi ayans allumé les gros os, les principaux chefs de leurs troupes, ont eſchauffé leur marmitte pour commander par force, puis que la raiſon & verité ne les pouuoit deſfendre.

Que figurent les os entassez ſous la marmite.

Quant à la fumée de ceſte marmitte, noſtre Dieu parlant à Iob la rapporté à la ſemblance de la fumée qui ſort des narines de Behemoth. Or qui recherchera l'interpretation de ce Behemoth, noſtre Dieu l'explique, quand il adioute à la fin de ſon propos, *Qu'il eſt le Roy ſur tous les fils d'orgueil.* Laiſſant doncques à diſcourir l'excellence de la balci-

Quelle eſt la fumée de ceſte marmite Iob cap. 42.

ne, & venant à ce Roy d'orgueil, lequel elle nous figure en la mer de ce monde, aisement on pourra remarquer que la vraye fumée de ce pot, est l'orgueil & presumption des heretiques, laquelle Sathan prince d'arrogance suscite en eux & faict paroistre deuant tous. Car ainsi que la fumée laquelle sort des narines de la balaine se monstre à tous, & paroist de loing, de mesme sorte se remarque la superbe des heretiques à ceux qui les veulent considerer. C'est l'orgueil qui les faict sortir de l'eglise, suyure leurs opinions, adorer leurs fantasies, mespriser la parolle de Dieu, s'estimer plus que tous les anciens martyrs, & docteurs de l'Eglise. C'est l'orgueil qui les rend esleuez tels que ils ne veulent quitter à loy, escriture, tradition, ou chose quelconque. C'est l'orgueil qui les rend heretiques: consideré que nul n'est tombé en heresie que par trop grande arrogance & presumption de sçauoir. De là ils condamnent leurs peres Catholiques, comme fils estoient damnez, ils s'estiment plus sages que tous les anciens, encor qu'ils n'entendent n'y ce qu'ils dient, n'y ce qu'ils veulent affirmer: de là ils se donnent des tiltres arrogans, se vantans estre secretaires de Dieu, Apostres de Iesus Christ, seuls inspirez du sainct Esprit, seuls qui ayent trouué la febue au gasteau, qui ayent parfaitemēt descouuert la verité de l'escriture, qui ayēt la cognoissance de la volōté de Dieu:

Orgueil cause d'heresie.

Arrogance des heretiques.

seuls enuoyez immediatement de Dieu, seuls entre lesquels le Dieu souuerain dispose de ces conseils. De la ils osent dire que leurs peres cheminoiēt en tenebres, eux en lumiere: que l'Eglise ne s'est monstrée iusques à eux, que l'e-uangile estoit cy deuant caché sous le banc, & qu'ils l'ont remis & communiqué aux hommes. Que si quelqu'un leur pense remontrer leur folie par la viue parolle de Dieu, & sainte interpretation des premiers peres de l'Eglise: tu les verras fumer, se couroucer, contemner toute remonstrance, & preferer leur opinion à toute autorité qu'on leur pourroit produire. Mais qui a il de merueille s'ils sont tant arrogans & cupides d'honneur, puis que la fumée de leur marmitte & l'esprit de leur assemblée, est la fumée des naseaux du diable orgueilleux, lequel s'est voulu eleuer par dessus son createur, & tousiours a empesché qu'il fust magnifié par ses creatures?

Le bouillon  
de la mar-  
mitte.

Le bouillon de ceste marmitte, ainsi que la fumée, est déclaré à Iob suyuant ceste similitude de nostre Dieu, *qu'il est excité & esmeu du battement de la queue de Behemoth, ainsi qu'esume & bouillonne la mer, batue par la Balaine.* Ce bouillon excessiuement impetueux, que signifie il en l'Eglise libertine & iathanique, sinon les seditions, troubles, meurtres, voleries, saccagemens, briganderics, coniurations, ports d'armes, & autres exorbitantes actions & fruiçts de ces nouueaux Euangelistes? Car ainsi que lors que la mer bouillonne, estant ba-

tue par la balcine, ainsi on voit les troubles des villes, citez mesme de toute la France, & puis dire de toute la chrestienté, estre esmeus par la doctrine, progres, & entreprises pestilentieuses de ceste nouuelle secte: en sorte que iamais telle tempeste n'auoit assailly la France, comme maintenant. En ce tesmoignent ils pas que celuy qui les esmeut & bat de sa queue, est le diable, prince de dissention? Monstrent ils pas que d'autant ils sont esloignez de la verité, & de l'esprit de Dieu, qu'ils sont loing de la paix: consideré que l'esprit de Dieu est l'esprit de paix, non de troubles & seditions? Qui a iamais cōsideré la mer esmeue, les flots esleuez, les nauires en dangier, si elles abordent la balcine, lors qu'elle se tourmente & agite: il doit penser combien d'auantage sont en danger les villes, voire les grands empires, ayans en eux receus les heretiques, si quelque fois sathan, les emeut à quelques troubles. C'est pourquoy Iouinian l'Empereur assailly de requestes par ceux de son temps à ce qu'ils eussent libre exercice de leurs opinions, les renuoya par ceste seule sentence, *Contentionis studium odi*, donnant assez à entendre que les recenant, il hasardoit son empire a plusieurs troubles. Laisant de ce plusieurs histoires, toute la Grece & ce grand empire de Constantinople nous peut assez seruir d'exemple, entant que les diuisions de doctrine, les schismes, & heresies l'ont balancé premierement de la part des scythes Ariens, & depuis mis en proye entre les mains des

Heresies  
se de la par-  
tie de l'em-  
pereur O-  
riental.

mahometistes.

Or ayant montré l'estat de ceste marmitte, <sup>Que deuiſe  
le brouet, &  
la marmite.</sup> il reſte maintenant entendre par la parole expreſſe que deuiendra ce feu, ces os, ceste chair, ce bouillon, voire la marmitte meſme. Noſtre <sup>Ezech. 24.</sup> Dieu le nous enſeigne par le Prophete Ezechiel, adiouſtant ces propos. *Dit le dominateur le ſeigneur. Malediction ſur la cité de ſang, ſur la marmitte en laquelle eſt ſon eſcume, & de laquelle l'eſcume n'eſt point ſortie. ſay la ſortir piece à piece, que le ſort n'eſchée point ſus elle. Ayant donc conſommé par le feu la chair, les os, & le brouet: Mets la marmitte vuyde ſur les charbons, à ſin qu'elle s'eſchauffe, & que ſon airain ſe brule, & ſoit ſon due au milieu d'icelle ſon ordure, & que ſon eſcume ſoit conſumée.* La noſtre Dieu declare ſa vengeance contre l'Egliſe libertine, & enſeigne la cauſe, quand il l'appelle la cité de ſang. Or le ſang en l'eſcriture eſt prins en mauuiſe partie, pour les concupiſcences & iugemens charnels, ou pour les meurtres & homicides. Ainſi quand Ieſus diſoit à ſainct Pierre, La chair & le ſang ne t'a point reuelé que fuſſe ſils de Dieu: par le ſang, il ſignifioit le iugement charnel, incapable de comprendre les choſes qui ſont de Dieu, entendues par la foy. Et quand il eſt dit par ſainct Iehan, que nous ſommes appelez enfans de Dieu, non à la raiſon du ſang: par ce ſang il ſignifie les concupiſcences. Il faut donc montrer que ceste Egliſe nouuelle ſoit la cité des concupiſcences, & ſouilleures charnelles. Chacun cognoiſt que l'Egliſe de noſtre Seigneur

Iesus Christ appelle ses membrs à chasteté & continence, à honnesteté & pureté: au contraire qui ne voit que ceste nouuelle faction aualle la bride à toute lubricité, veu qu'elle est assemblée de luxurieux apostats? De ceste concupiscence estans esmeus les Nicolaites, faisoient les femmes communes. Les Adamites comme imitateurs de l'innocence d'Adam, toutesfois nourrisiers de leurs concupiscences, prioient nuds: & hommes & femmes alloient tousiours nuds: en ce l'astuce du diable estoit manifeste, de ce que quand sous le pre-texte de simplicité les hommes & femmes s'assembleroient nuds en leurs conuenticules, ils fussent plus facilement induicts à lubricité. Ceste licence estoit semblable à celle de Marcus Colobarfus heretique, lequel pour attirer à soy les femmes (comme dit saint Irenée) leur persuadoit par meslange de vin d'une coupe à autre, qu'il leur donnoit l'esprit de prophetie: & par ce moyē les ayant seduit, les emmenoit avec soy. De ce mesme esguillon de concupiscence estoit surpris Marcion diacre (comme tesmoigne Tertullian) quand se voyant pour son inceste excommunié par les euesques à ce qu'il eust par apres plus grande liberté, entierement il se separe de l'eglise, esleuant par despit vne secte d'heresie à ce qu'ils fussent plus libres à leurs plaisirs. Que si on vouloit auoir exemple des sectaires de nostre temps, on en trouuerroit infinité d'apostats, qui pour ceste seule desbordée licence ont abandonné  
leurs



leurs cloistres, foullé leurs professions, se sont retirez à ceste marmitte à ceste nouvelle Eglise, à ceste cité de sang, pour là viure à leurs plaisirs, & contre la loy de mariage, lequel requiert que les personnes premierement soient libres, & non liez par quelque autre promesse, s'accoster de quelque pauvre desbauchée. Qui ne cognoist voire en ce point que plus leur commande la chair & le sang que la sainte parole de Dieu, veu qu'ils permettent ce grand & insigne sacrement estre renuersé par les Apostats, & mesme qu'en leur doctrine il soit du tout souillé, corrompu & reiette? Asçauoir ne permettent ils pas contre la parole expresse, de mesme credit que les anciens Iuifs, que l'homme repudie sa femme, & elle viuante en prenne vne autre, & mesme que l'homme quel que temps priué de la presence de son espouse, ou pour cause de maladie, ou de voyage, s'il se sent assailly des pointures charnelles, puisse s'escouler au preiudice de sa promesse? Pourquoy aussi nient ils que le Mariage soit sacrement, sinon qu'ils le mesprisent & contemnent comme chose legiere? Leur secte doc est la vraye cité de sang: la marmitte, de laquelle parle nostre Dieu à son prophete, qui pour l'occasion de ses effrenées concupiscences prouoque sur soy l'ire & vengeance diuine. Ioint que si nous considerons le sang pour meurtres, occisions & voleries, vous verrez que d'autant que l'Eglise de Iesus Christ nous enseigne douccur & charité, mesme de nos en-

nemis, l'Eglise libertine est l'assurance de voleurs, banqueroutiers, transfuges, bannis, incestueux, homicides & sacrileges. Ainsi Lucius heretique Arian, apres beaucoup de meurtres, tormens & boute-feux, a destruiſt les monasteres & hermitages: ainsi les Vaudois en Afrique (comme dict Victor) dechassans les gens de bien, ou les pendans, ou bruslans, vſoient d'habominables cruauitez aux Eglises, & cemetieres des Chieſtiens. Le semblable ont fait les adherans de Iehan Hus, & Hierosime de Prage: Car lors qu'ils ont ſceu que ces deux Heresiarches auoient esté bruslez, quelles voleries, ſaccagemens, & ſeditions ont il fait en tout le pais de Bohesme?

Lucius.

Les vaudois

Jean Hus:

Mais laiſſant là les anciennes heresies, ie viendray à celle qui de nostre temps tourmente ce pays, & tous circonuoisins, l'Angleterre, l'Eſcoce, la Flandre, Suyſſe, Alemaigne, Espagne, & plusieurs autres: & pour monſtrer combien elle est sanguinaire, nonobſtant qu'afſez tout le monde le teſmoignage: ie toucherray icy ſommairement aucunes de leurs executions, renuoyant à la plaine hiſtoire le narré lamentable des troubles de nostre France.

Des le regne du bon & treschrestien Roy Henry (auquel Dieu donne repos) Theodore de Beſze homme factieux, traistre & proditeur de ſa patrie, l'un des principaux chefs de ceste ſecte, commençoit à braſſer ces troubles que nous auons veus à nostre tresgrand regret: eſpiant le temps auquel ce bon Roy

estoit plus affligé, ayant perdu la ville de saint Quentin & plusieurs chasteaux, voire la plus part de la noblesse François. Car en ce temps l'an 1557. Besze delegua ses ministres auancou-  
 reurs de l'Antechrist, pour espier l'occasion de  
 gaigner les François, voire dedàs Paris princi-  
 pale ville de France. De sorte que le cinquies-  
 me iour de septembre furent trouuez plusieurs  
 hommes & femmes de nuit en la rue saint  
 Iaques en vne certaine maison assemblez pour  
 ouir leur presche & doctrine sathanique, des-  
 quels plusieurs furent reduits prisonniers.  
 François Balduin escrit en l'une de ses Epistres  
 que il estoit pour lors en Alemaigne quand  
 Theodore de Besze irrité de veoir les suppos  
 frustrez de leur esperance, se retira deuers plu-  
 sieurs grands Seigneurs pour les solliciter &  
 animer contre le Roy de France. Quoy enten-  
 dant Melancthon nonobstant qu'il fauorisast  
 la doctrine Lutherienne, remonstra à Besze  
 l'occasion que les siens auoient donnée au roy  
 de les rechercher, veu le temps & les troubles  
 qui estoient lors en France & mettoient tou-  
 tes telles assemblées en soubçon & deffiance.  
 Sur quoy ce deffendoit Besze par le faict des  
 Apostres, lesquels plusieurs fois, nous lisons  
 s'estre assemblez: mais Melancthon, le rembar-  
 ra, luy mettant au deuant que les villes pour  
 lors n'estoient assaillies & les Royaumes ba-  
 lancez au hazard des guerres. Et que l'entre-  
 prise qu'il faisoit de vouloir troubler la Fran-  
 ce, tant agitée par les guerres presentes mon-

Presche de  
 nuit, 1557.

Besze sollicite  
 les Alle-  
 mans.

stroit vn mauuais courage de Besze , & vne dangereuse expectation pour sa patrie. Dés lors donc il machinoit ces troubles, & les eust commencez , sil eust trouué secours en Allemagne.

Entreprise  
d'Amboise.

La mort du Roy Henry depuis suruenue, au grand ducil & dommage de la France , ceste troupe mutine commença ses ioyes, esperant venir au bout de ses desseings , pour lesquels executer premierement elle essaya de surprendre le bon Roy François second à Amboise: mais Dieu eut pitié de luy & le deliura de ceste coniuration , si que les auteurs des troubles decelez furent punis de mort le 24. iour de Mars. 1560.

Assemblée  
de poissy.

Toutefois ne desista la rage de ceste cité sanguinaire, de ceste assemblée meurtriere, que de rechef apres le deces d'un roy tant affectionné à la religion Chrestienne, elle ne s'esleuast contre le tres-chrestien & tres-prudent Roy Charles, auquel Dieu donne accroissement en toutes vertus , & victoire de ses ennemis. Car voyant qu'il estoit sous la conduicte & protection de sa tressage & tres-Chrestienne mere Royne de France aagé seulement de dix ans, encor qu'en cest aage il donnast suffisans argumens de sa future grandeur & preud'homme, elle chercha premierement les moyens de le circonuenir & par occasion d'une assemblée de faux Ministres , practiquer vne libre entrée sur ce Royaume, pour apres deceler le fruiet de leur Euangile.

Vn liure fut imprimé en ce temps auquel estoit contenu entre autres choses, qu'à Geneue les affaires de France furent desaignées en ceste sorte, qu'à la premiere oportunité ils massacreroient le Roy, la Royne, messieurs ses freres, les princes & grands Seigneurs generalement tous magistrats Catholiques: & que le prince de ceste coniuration estoit Besze, Caluin l'autheur, Otthomam celuy qui la signa, Spiphame celuy qui la suada & que tous les brigans & assassineurs de France en estoient coupables. Parquoy pour auancer de plus en plus leurs furicues entreprises ayans gaigné l'oreille de quelque grands seigneurs ils sollicitèrent l'edit de Ianuier, par lequel leur fut donné pleine liberté à leurs associatiōs, leuées de deniers, fermes, cōspirations, ports d'armes, assassinas, & autres pareils exercices de ceste secte sathanique sous l'ombre de religion & seruice de Dieu. Et de fait deslors ils se promettoient assurement auant que l'an fust expiré de renuer ser toutes les Eglises Chrestiennes, les piller & faire deniers de l'or & argent qu'ils y trouueroient, mettre tout en armes, saisir les villes, & du tout exterminer les vrais heritiers de la couronne. Ce qu'ils monstrerent par apres l'assemblés en tropes à leur presches, même aux faux bourgs de Paris, là où ils se cōduisoient de telle furie qu'ils molestoient & frapoient les catholiques, estoñoient tous les citoyens desarmez, & quelquefois ôt cheminé l'espée nue en la main trainants des pauvres Prebſtres à la queue de

Coniuration  
contre le  
Roy.

Edict de  
Ianuier.

Presche aux  
fauxbourgs  
de Paris.

leurs cheuaux, comme lors qu'ils rauagerent l'eglise de S. Medard aux fauxbourgs Sainct Marcel au mois de Decembre le iour de sainct Iehan l'Euangeliste, 1562.

Surprise des  
villes.

De là en auant il s'esleuoient de plus en plus contraignoient les magistrats par cest edict de Ianuier comme s'il eust fauorisé deux religions, encor que il portast expressement le contraire. Ils surprindrent aux premiers troubles la ville d'Orleans, de Rouen, Lyon, Tours, & autres villes grandes & principales de la France, ou ils bntinerent tous les thresors des Eglises, arresterent les receptes du Roy, feirent des cruaultez inestimables aux pauvres Catholiques. Ils brusloient les Eglises, rompoient les sepultures des trespassez.

Ossemens  
des saints  
bruslez par  
les heretiques.

voire mesme brisoient les chasses des saints martyrs & docteurs de l'eglise, tiroient les saintes reliques, & les brusloient non sans grande contumelie: comme ils ont faict à Lyon des saints ossemens de saint Irenée tant renommé de l'antiquité, à Tours du corps de S. Martin tant estimé pour ses miracles, & à Poitiers de S. Hilaire tant excellent docteur, & profligateur des heretiques Ariens. Qui a peu remarquer entre les barbares, voire par le discours de toutes les anciennes histoires, cruaultez & inhumanitez plus grandes que celles qu'a perpetré ceste faction sanguinaire? Ils iettoient gar terre les images, & cōme Iuifs blasphemoiēt contre nostre sauueur Iesuchrist crucifié, assauoir pour la difference & cōtrariété de lui à leur Christ épistolé:

Violence &  
rage contre  
l'image de  
nostre Sau-  
ueur.

ils rompoient toutes les croix : voire tenant a grande honte la croix laquelle les Chrestiens raportent à grand honneur, ils ont crucifié des catholiques viuans en la mesme croix, de laquelle ils auoient arraché la figure de nostre benoist sauueur. Heureux Chrestiens vrayement estoient ceux la qui enduroient telles peines! veu que comme escrit Sainct Paul, nous congnoissons Iesus Christ par la passion de la croix, couronné de gloire & honneur. Quelles especes de mort n'ont ils inuentées en leurs cerueaux sathaniques pour tourmenter les pauures catholiques? Il ne fault la requérir l'industrie de Perillus, mais deferer la felonnie à ceste cruelle secte, telle qu'elle ne se pourroit traſſer en autres. Sainct Augustin escriuoit de son temps que les circoncellions heretiques arrachotent les yeux des catholiques, puis remplissoient le caué ou place d'iceux de chauld destrempée avec vinaigre, pour les tourmenter d'auantage. Optat Mileuitain ancien docteur descrit touchant le schisme & les cruautéz des Donatistes en Afrique, qu'ils naurerēt les diacres en l'Eglise, & abbatoient les autels: toutesfois on ne liēt que ceux qui estoient naurez à mort receussent l'ignominie que ces tyrans pratiquoient de iour en iour. Toute leur gloire estoit de couper les oreilles des prestres, de sorte que plusieurs en faisoient des carquans à leur col, comme pensans recevoir vne grande gloire de telles inhumanitez. Ils leur couppoient la nature, la faisoient

Cruauté des  
circoncel-  
lions.

epistre. 122.  
ad Victo-  
rianum.

Donatistes.  
heretiques  
cruels.

Barbarie, &  
ferites inau-  
dites des he-  
retiques de  
ce temps.

rostir, & l'apprestoient en viande au pauvre homme tirant à la fin, & avec baillons luy mettoient en la bouche. En d'aucuns lieux ils enfouilloient tous vifs les catholiques, trenchoient les enfans en deux, fendoient le ventre aux prestres & en tiroient le cueur hors & le brusloient. Ils leuoient à plusieurs des lanieres & esguillettes du corps, puis les lardoient, & les faisoient rostir: ils brusloient à d'autres les plantes des pieds, ils surfondoient les autres de gresse chaude, ils faisoient les autres mourir de faim, & leur commandoient nonobstant se presenter au bout de leur table, & remuer les machoueres sans auoir aucune viande en la bouche. Ils trainoient les autres apres sur leurs chariots, ils les enchainoient aux brelots comme singes, & contentoient de morceaux de pain comme chiens, & les bastonnoient comme s'ils fussent des asnes. Ils coupoient la cime de la teste des prestres & moynes, enleuans leur couronne avec razoers & cousteaux. Ils en escorchoient plusieurs, ils exposoient d'autres nuds lyez sur la glace, puis les detranchoient comme la chair qu'on vend à la boucherie, ils laschoient les chiens affamez & furieux sur les autres, ils apprenoient leur cheuaux a tressaillir & regimber contre eux, & n'espargnoient espee de cruauté de laquelle ils se peussent aduiser. Que s'ils en vouloient tuer de coups de pistoles ou harcouses, premierement ils leur commandoient souffler, dedans, puis laschoient la pistole dedans la bou-



bouche, ils lioient les vns aux arbres & tiroiēt en ceste sorte contre eux comme au blanc, ils pendoient les autres, sans les estrangler, & les laissoient languir, ils en lioient aux pieux defendans ne les deliurer, à ce qu'ils y mourussent de faim, & fussent deuorez des bestes rauissantes, ils en ont lancez plusieurs dedans les puits, precipitez dedans les eaux, iettez dedans les fourneaux ardās. Ils en trainoient à la queue de leurs cheuaux iusques à ce qu'ils fussent expirez, ils en pendoient par les pieds, & leur faisoient au dessus du feu de toin ou paille pour les estouffer, ils en precipitoiēt des hauts clochers, tours, ou rochers: brief il seroit impossible d'expliquer toutes les feritez lesquelles ils exerçoient contre les pauures catholiques. O bon Dieu qui sera tant barbare, qui ne deteste ceste secte, & ne la trouue du tout esloignée d'humanité? Car encor non contens de ceste rage sathanique contre les viuans, ils ne permettoient leur corps estre retirez, plourez, ou regrettez en façon quelconque. Et ne leur estoit assez se monstrier tels contre les membres du sauueur Iesus Christ, si de mesme furie ils n'eussent assailly le chef. Quels blasphemes à sçauoir disoient ils contre le precieux corps du sauueur du monde? Auec quelle irreuerence & contennement ont ils prins de leurs mains impures & sanglantes ce tres-sainct sacrement? Les vrays Chrestiens recognoissent & adorent le precieux corps du sauueur au sacré mystere de l'eucharistie, comme

Abomina-  
tion contre  
le precieux  
corps de no-  
stre sauueur.

Ville de Paris assiegee.

mort de monsieur de Guyse.

Edit de pacification.

secóds troubles.

Ils assailent le Roy sous ombre de luy presenter requeste.

eux côme ennemys du redempteur du monde, pires que Iuifs soubdain qu'ils l'ont peu tenir, l'ont ietté & conculqué au pieds, craché & vommy dessus, & exercé toute honte. O bon Dieu quelle patience tu auois voyant ces ignominies, de les attendre à penitence, & endurer tant d'opprobres! Voila comme se comporta ceste mauldite secte aux premiers troubles. Elle assiegea la ville de Paris, contraignit le Roy treschrestien hasarder contre elle ses fideles seruiteurs en camp de bataille, deuant la ville de Dreux, & encor que l'un de ces chefs fust captif, se retira obstinée dedans la ville d'Orleans, ou elle machina la mort de Monsieur de Guyse, depuis executée par vn traistre desloyal nommé Poltrot. Depuis encor que le Roy treschrestien vlast enuers eux de grace, s'efforçant à les retirer de leurs pernicieuses entteprises par vne remise de leurs fautes, si ne laissèrent ils durant ce temps qui se disoit de pacification, remuer autres nouueaux troubles, pratiquer des aides en Alemaigne de gēs barbares, & dediez à toute cruauté, chercher tous les moyens de surprendre le Roy & ses freres. Ce qu'ils donnerent assez à cognoistre aux seconds troubles l'an 1567. quand sous le pretexte de presenter vne requeste au Roy ils delibererent vsfer de violence cōtre sa maiesté au mois de Septembre. Et de fait en quel ordre se presentoient ils à leur Roy pour requerrir humblement quelque chose? Ils estoient en grande troupe, armez & empistolez, ils

s'entendoient avec autre secours, & auoient par toutes les villes & bourgades du royaume de France ou ils pensoient trouuer quelque aduantaige, donné le mot du guet, de se saisir des fortes places & chasteaux en vn mesme iour de sainct Michel, auquel ils pensoient tenir entre leurs mains le Roy, la Royne mere, & messieurs ses freres & toute la couronne. Ils meirent en tel acces le Roy treschrestien que pour euitier leur rage, & ce peril eminent, il fut contraint partir de nuict de la ville de Meaux, & se retirer à la ville de Paris, desgarnie d'armes, & mise en grand trouble pour vne si soudaine & inopinée mutation. Ceste secte furieuse se voyant frustrée de son expectation, & que Dieu par sa pourueance & bon té souueraine auoit deliuré le Roy de leurs mains, encore comme enragez ne desista de poursuiure ses entreprises, entant que ses suppos se vindrent camper deuant Paris, brulerent en vne nuict les moulins d'enuiron, prindrent le pont de Charenton, empescherent les basteaux de descendre ou monter en la ville, & s'efforcerent par tous moyens de destourner les prouisions: à ce que de là plus aisement ils entraissent sus les habitans affamez & se saisissent de la personne royale. Mais nostre Dieu pourueut à ceste necessité, encor que l'année precedente eust apporté grâde charré, & que la moisson & vendanges de ceste année ne fussent conduits en la ville. Ce pendant ils s'emparerent de rechef d'Orleans, & d'autres

*surprises  
des villes en  
vn mesme  
iour.*

*Paris assiege  
aux seconds  
troubles.*

*les moulins  
brulés.*

ville par toute la France, ou ils n'oublierent leurs cruautéz accoustumées. Pour lors ils paracheuerent les demolitions qu'ils auoient cōmencées, renuersans les eglises iusques aux fondemēs. Ils ne laisserent pierre sur pierre aux cloistres & monasteres, pensans du tout effacer la memoire de l'ancienne Eglise catholique, comme si iamais elle ne fust receue en France. Les ruines irreparables de toutes les parties de ce Royaume le tesmoignent assez, soit qu'on s'arreste à Lyon, Orleans, ou autres villes & bourgades, voire aux villages qu'ils ont peu aborder aux seconds troubles. Ia ce promettoient ils du tout oster le saint & sacré mystere liturgique institué par nostre benoit redēpteur en sa cene, que nous apellons messe, c'est adire sacrifice: ia s'asseuroient ils qu'en brief ne se feroit aucun exercice de l'ancienne religion, si nostre bon Dieu n'eust rompu leurs forces.

Heretiques  
se couurent  
de la liberté

Or ceux qui c'estoient campez deuant Paris, par tous moyens d'hostilité descouuroient le masque de ceste belle requeste, pour laquelle presenter au Roy ils disoient s'estre assembles. Ils coururent iusques aux portes, pensans surprendre les gardes, & donnerent plusieurs escarmouches de la part d'un petit village, appelé la Chappelle. Et voyans que leur requeste s'interpretoit trop manifestement à leur preiudice: pour amorcer le peuple vers eux & le destourner de la fidelité qu'ils deuoient au treschrestien Roy leur souuerain seigneur

femoient par tout qu'ils estoient là assemblez pour venger la liberté, remettre le peuple hors des exactions, tailles & autres impositions tor-  
 sionnaires. Comme si eux mesme ne fussent Heretiques  
cruels ex-  
a-cteurs.  
 grands & cruels exacteurs, voire sur ceux de leur religion qui ne suiuoient les armes. De ce feront foy leurs registres, par lesquels on a cogneu qu'ils exigeoient au quadruple & dauantage que le Roy ne leuoit des nostres pour fournir aux guerres.

Ayans espié tous moyens de surprendre la ville de Paris, & se sentans frustrez & perdre temps, entédans que de iour en iour arriuoiet forces au Roy, ils sousteindrent nonobstant vne furieuse bataille la veille de saint Martin: de façon qu'ils furent mis en routte, deffaiçts & rembarrez iusques dedans saint Denys, où ils seiournerent peu, ains s'enfuirent de nuit tout esperdus, d'autant que l'estonnement de Dieu les poursuiuoit. Ils coururent vers l'Allemagne, pour la receuoir les Reistres cruels & barbares, lesquels aupar-auant de ceste belle requeste ils auoient leuez, à la conduicte du Iournee de  
Saint De-  
ny.  
 Sieur Casimir fils du Comte Palatin. Reistres en  
France.

Monstroient ils pas suffisamment quelle estoit leur pretendue intention sous l'ombre d'une requeste, puis qu'ils tenoient ces Reistres prests pour courir & piller le Royaulme de France? Que fils eussent voulu remonstrer quelque chose au Roy touchant leur estat, ou leur opinion, le deuoient ils accoster luy estant avec peu de gens, & eux venans en trouppes

Secôd edict  
de pacifica-  
tion.

armez & empistolez, ayans ia conclu de faire descendre des Reistres à leur secours, & en vn mesme iour de sainct Michel surprendre toutes les villes de France? Toutesfois le Roy treschrestien comme prince tresdebonnaire, ayant regret à la perte & rauage de son pauvre peuple, de rechef leur accorda vne remission, à ce qu'ils se retirassent, & laissassent respirer les Catholiques oppressez de toutes parts. Ce qu'ils receurent, donnans pour vn brief temps congé à leurs Reistres, d'autant que ils espioient quelque plus commode opportunité de s'investir de la couronne, ayans mis à sac ce qui les pourroit empescher. Et de fait se moquoient ils de l'indulgence royale, d'autant que ils contraignoient les Catholiques obeyr à ce qu'ils pensoient estre à leur auantage, & eux ce pendant retenoient les fortes places, comme la Rochelle, Montauban, Sanserre & autres, ne permettant que le Roy y meit ordre, pour y estre recogneu souuerain. En ce temps les Rochelois feirent imprimer vn liure fort seditieux, suffisant pour verifier leurs affectations sanguinaires & rebelles, par lequel ils s'efforçoient de prouuer que iustement ils estoient reuoltez du Roy. Alors commencerent les troisiemes troubles 1568. apres que l'Admiral Colligny & autres se furent retirez en la Rochelle.

Les villes re-  
uoltées ne  
reconnois-  
sant le Roy.

Les troisiemes trou-  
bles.

Alors ils s'asseuroient de cantonner le pays de Xaintonge, mesme de la Guyenne, ayans prins les plus fortes places.

Ils esmeurent toute la Prouence, Gasconne, Poictou, & autres pays circonuoisins, ils rauagerent & butinerent tout ce qu'ils peurent rencontrer, & encor que le principal de leur chefs fut diuinement renuerse à la rencontre pres de Iarnac 1569. le treziesme iour de Mars, si ne quitterent ils rien à leur rage: ains de rechef se reussirent comme gens inexpugnables en leur mauuaise volonté.

Bataille à  
Iarnac.

Ils coururent au deuant & receurent les barbares estrangers soubz la conduicte du Duc des deux ponts, pour butiner ce qui resteroit en la France, & nonostant beaucoup de remonstrances que on leur feist, se rendirent obstinez enuers leur Roy & Prince naturel.

Reistres en  
France.

Ils assiegerent la ville de Poictiers (mais en vain Dieu graces) pensans là meurdrir & massacrer les principaux de la noblesse Françoisse Catholique. Qui pourroit expliquer, voire comprendre en son esprit quelles cruaultez ils ont exercées lors que ils auoient les armes en main, & sembloient commander au Roy treschrestien? Combien d'assassinats se sont faicts, combien de coniurations contre l'estat du Roy & de Messieurs ses freres? C'estoit pour lors vne grand gloire à ceux de ceste nouuelle eglise, d'auoir meurdry, pillé & rauagé: & peu estoient entre eux bien venus s'ils ne participoient de ce courage sanguinaire. Quelles ingratitudez & infidelitez ne se sont monstrées durant ces

Poictiers assiegeé &  
mieux defendue.

Indignitez  
des sectaires  
contre l'estat de France.

troubles miserables? Ont ils pas pendu en figures les lieutenans du Roy tres-Chrestien, voite avecques l'ordre tant redoubté des estranges nations? Ont ils laissé arriere aucun tant fut il ancien ennemy, que ils n'ayent introduict & auancé par tous moyens contre l'estat de France? Quels pilleurs & volleurs n'ont ils enroullez soubz leurs enseignes, pour les rendre fiers & esleuez des despouilles de nos Téples? N'ont ils mesme mis en proye aux estrangers ce Royaume iadis tant florissant, pour sortir chargez de l'or argent & autres richesses: à ce qu'amorcez de telle recompense, ils choisissent entre nous quelques cantons pour leur demourance? Quelle patience ne seroit vaincue & forcée apres tât de remissions, entre tant de cōiuratiōs & violēces? Ce seroit vne histoire infinie quivoudroit de poinct en poinct rechercher les inhumanitez, expliquer les massacres, deceler leurs conspirations, & desseings. Il me suffit d'auoir en brief touché les beaux fruiçts de leur christ empistolé, & de leur secte meurtriere, pour verifier que suiuant la parole de Dieu ils sont la cité de sang, la Marmitte eschauffée, laquelle pour ses cruauttez nostre Dieu commande estre renuerfée & fondue. Aussi donne il à entendre que tels actes requierent vne vengeance du ciel, & vne memoire detestable à la posterité, quand il adioust: *Ton ordure est abominable, pourtant que ie t'ay voulu nettoyer, & ne t'es point nettoyée de tes ordures tu ne seras point nettoyée tant que i'aye faict cesser en*

*moy*



*moy ta fureur.* Car veu que comme dit le sage, le cœur du Roy est en la main de Dieu, & qu'il le tourne la part qu'il luy plaist, qui doute que par tous ces edicts qu'on appelloit de pacification nostre bon Dieu ne leur donnast les moyens de se recognoistre, & d'entendre qu'il les vouloit nettoyer de la contagion de ceste nouvelle secte? Mais les miserables ont reietté ceste patiëce, ceste lóganimité de Dieu, & n'ôt voulu estre netoyez de leur ordure: cause pour quoy nostre Dieu enuoye sur eux sa fureur & dict par apres. *Moy qui suis le Seigneur, ay parlé. Il viendra, & le feray, ie ne reculeray point, & ne m'espargneray, n'y ne me rappaiseray: on te ingera seló tes voyes: & selon tes actes, dict le dominateur le Seigneur.* Comme s'il disoit que plus les iustifications de leurs malfaicts ne seront données par les hommes, plus la iustice ne coniurera sur eux, plus les faux tesmoins ne seront ouis à leur auantage, mais la iustice regnera & ne seront espargnez comme au passé ceux qui se seront arrestez au conseil des malings, se seront assis en la chaire de pestilence, & auront suiny les desseings de ceste assemblée sanguinaire. Car dict-il, *son sang est au millieu d'elle: elle l'a mis sur la pierre apparente, & ne la pas resspandue sur la terre, tellement qu'il puisse estre couuert de pouldre, pour faire monter la fureur, afin d'en prendre vengeance, i'ay mis son sang sur la pierre apparente, afin qu'il ne soit couuert.* Que signifie nostre Dieu, disant que le sang de ceste secte meurtriere, est au millieu d'elle, sinon ou qu'il vient non de dehors, de

Pourquoi  
 Dieu a per-  
 mis les edicts  
 de pacifica-  
 tion.

Iustice me-  
 leure qu'au  
 passé,

L'execratio  
 des troubles  
 de France  
 plus grands  
 que de ceux  
 qui ont seu-  
 lement con-  
 spiré contre  
 la parie.

cas fortuit, ou d'une legiere pens e, mais d'une  
longue deliberation? Et que non deux ou trois  
ou plusieurs, mais tous sont coupables de tels  
massacres, veu que le sang est au milieu d'eux?  
De ce qu'il dict que ce sang n'est pas tomb e sus  
la terre, mais sus la pierre apparente, il monstre  
combien plus grand est le pech e contre le chef  
de l'eglise, que celui qui est simplement contre  
une creature. La creature est terre, mais le  
sauueur du monde est la pierre apparente. C'est  
la pierre reprouv e par ceux qui edifioient le  
temple Iudaïque, la pierre angulaire, esleue,  
fondamentale, seule laquelle les portes d'enfer  
ne peuuent briser. Si donc les troubles esneus,  
fussent seulement comme les troubles anciens  
des histoires grecques & Romaines, esneus  
pour quelques affections terrestres, la pouldre  
les pourroit couvrir: mais ce sang respendu est  
tomb e sur la pierre, leurs impietez resultent au  
Sauueur du monde, leurs coniurations se dressent  
contre Dieu, contre le chef de l'eglise: qui  
est cause que comme le sang tomb e sur la pierre  
y laisse une marque longuement perdurable,  
aussi leurs massacres & felonies seront  
avec une honte & detestation rememor es  
de toute la posterit e. Voire pour declarer une  
entiere ruine de ceste eglise des malins, il com-  
mande que leur marmitte soit iett e sur les charbons,  
  fin qu'elle s'eschauffe, & que son airain se brusle, &  
soit fondu au milieu d'icelle son ordure, & que son es-  
coupe soit consomm e. Ainli que le chirurgien ne  
coupe pas si tost le membre pourry, mais at-

aphe. 2.

Math. 16.

Memoire a-  
bominable  
des sectaires

Nostre dieu  
commande  
que la mar-  
mitte soit

tend qu'il n'y reste aucune esperance, & lors à ce que le reste du corps ne soit attiré à vne mesme contagion, il le retranche & separe sans aucune misericorde, veu que d'autre part se feroit cruauté que le permettre rester au corps: ainsi nostre Dieu premierement vse de grace enuers les malings, & si tost ne permet que la vengeance en soit faicte, iusques à ce que la pourriture & dureté de leur cœur soit cogneue à tous: & lors à ce qu'il sauue le reste, il execute vn tesmoignage de sa grande & ineuitable iustice. Il commande donc que ceste marmitte vuyde soit iettée sur les charbons, ayant ia dict que la chair, le brouet, & les os ont esté consommmez: D'autant qu'en ceste derniere fureur ce ne luy est assez que les suppos de ceste secte soiēt exterminiez, mais il veut que toute la memoire, toute l'impieté qu'ils auront bastie & dressée soit mise au feu: condamnée à la peine eternelle. saint Hierosme à sçauoir rapporte ce feu au iugemēt dernier, auquel les malings seront condamnez & bruslez: duquel aussi le premier sentiment est donné par la sentence de iustice, quand suyuant la parole du sauueur du mode, discourant des faux prophetes, Tout Matth. 7. arbre qui ne faict bon fruit, est couppé & ietté au feu, à ce qu'il soit consommé. Car quelle patience pourroit porter vne obstination tant enracinée, apres tant de graces & remissions? Quelle bôté ne seroit rengée à seuerité, quelle misericorde ne se conuertiroit en iustice, quelle douceur ne se rendroit amere, se sentant m

Psal 108.

Journée de  
môcontour.Conspiratiô  
derniere  
1672. au  
mois d'aoust

quée & contemnée tant de fois & si long tems par les desuoyez? Partant l'eglise faisant sa priere par Dauid enuers Dieu, à ce qu'il venge les impostures & paroles fallaces des meschans, predisant de ceste generation & troupe sanguinaire, entrelasse ceste sentence: Que pour ce qu'elle n'a tenu conte de faire grace, ains a persecuté l'homme affligé & dolent de cœur pour le mettre à mort, & a aymé malediction, aussi elle luy suruiendra, & n'a point aymé benediction, pourtant elle s'esloignera d'elle. Elle s'est vestue de malediction comme de son manteau, & est entrée dedans son corps cômme eau, & comme huile dedans ses os. Ils se sont veus tant de fois vaincus, rompus & mis en routte, en toutes les batailles qu'ils ont données, ils ont veu demourer sur le champ plus de douze mille de leur secte à vne seule rencontre, sans que de la part du peuple de Dieu y en eust que bien peu de tuez & naurez, à la conduite d'un ieune & tresmagnanime prince, duquel la louange est remarquable à toute la posterité, & par tout le monde: ils se sont veus fugitifs, esperdus, saisis de l'estônemēt de dieu: neantmoins encor plus endurcis que Pharaō, plus cruels que Neron, plus turbulens qu'un Catilina, n'ont recognu leurs fautes, n'ont embrassé la grace d'un roy debonnaire & treschrestien, mais de rechef l'ont irrité par leurs conspirations, voulans souiller leurs mains parricides au sang du pere de la patrie, entreprenant sur l'estat & la vie de ceux que nostre Dieu

à establis & ordonnez sur son peuple, cause  
vrayement pourquoy ceste souueraine & eter-  
nelle iustice requerra tout le sang respandu de  
puis le premier iuste iusques au dernier, com-  
me non mis en oubly, mais tóbé sur la pierre,  
Alors, comme dit le prophete Ioel, *leurs faces de-  
viendront noires comme marmittes*, pour le halle du  
feu impetueux, qui les suyura, mesme qu'aïse-  
mēt on pourra discernier en leurs visaiges quels  
ils seront, le signe y estant laissé d'un continuel  
remord de conscience.

Alors, dit le prophete Amos parlant de Sa-  
marie figure de toute ville, & troupe reuoltée  
de l'ancienne & premiere religion, *Le domina-  
teur le seigneur ha iuré par sa sainteté, que voicy les  
iours qui viendront sur vous, que le reste d'entre vous  
sera ietté dedans les marmittes bouillantes*. Il allegue  
pour cause la durété de ce peuple, entant qu'ils  
n'ot recognu q̄ les maladies, chartez & autres  
necessitez aduenoient par sa iustice, irrité d'e-  
stre contemnē & blasphemé par les meschans.  
*Je vous ay frappez, dit il, d'un vent bruslant, &  
de nielle, la chenille a mangé vos iardins, vos vignes  
vos figuiers & oliniers. Je vous ay enuoyé la peste à la  
façon d'Egypte, & ay fait monter la puanteur de  
vos camps mesmes en vos marines, & toutesfois ne  
vous estes point retournez vers moy, dit le seigneur.*  
Telle m'escognoissance de Dieu, telle obstina-  
tiō fait descēdre sa végeance sus les creatures.  
Parquoy ayāt deuāt les yeux & detestāt les mar-  
ques de ceste nouuelle assemblée, de ceste trou-  
pe sanguinaire & meurtriere, suyons le con-

Amos. 4.

Les maux &  
fleaux de  
Dieu en  
France de-  
puis cestrou-  
bles.

scil du royal Psalmographe Dauid, *encor que nous cheminions entre les marmittes, soions comme les ailes de la colombe couuerte d'argēt, & de qui les plumes sont cōme couuertes de fin or bien iaune.* Embras-  
 sons & maintenons ceste foy ancienne, catho-  
 lique & romaine, perseuerons iusques a la fin  
 avec la toute pure & parfaite espouse de no-  
 stre sauueur & redempteur, recognoissons ses  
 sainctes ordonnances & traditiōs, & nous gar-  
 dons des sales & detestables impietez des mes-  
 chans, viuons & mourons comme vrais mem-  
 bres du corps mystique du fils de Dieu, à ce que  
 nous viuions cy apres d'une vie immortelle.

Conclusion

FIN.

